

EDISSET YE EDIDOK CHRIST KE ENYON̄
Mark 15:42-47; 16:1-20; Utom Mme Apostle 1:1-11
QYQHỌ UKPEP-ŃKPỌ 171

Eke Ikpọ Owo

IKỌ IBUOT: “Koro afo mudukpọnke ukpọn mi ke obio ekpo; uduyakke owo ima fo okut mbiara”
(Psalm 16:10).

I Edibuk Jesus

1. Joseph owo Arimathaea ekemen okpo Jesus, Mark 15:42-45.
2. Ekenim okpo Jesus ke obufa udi, Mark 15:46

II Ediset Jesus

3. Iban ema edi, ke ini Sabbath ama ekebe, man eyet aran ke okpo Jesus, Mark 15:47; 16:1, 2.
4. Iban oro ema ekut akparawa eren nte etiede ke udi emi ema ekekuborede, Mark 16:3-5; Luke 24:3; John 20:11, 12.
5. Angel oro ama ọnọ mmọ mbuk idọnesit ke abaña eriset Jesus, Mark 16:6-8; 14:28; Matthew 26:32.
6. Jesus ama ayarade idem owut Mary Magdalene ye mbet iba, ndien n̄ko ayarade owut mbio efen nte mmọ esuk ediade n̄kpọ, Mark 16:9-14; 1 N̄wed Corinth 15:5.

III Utom Emi Christ Qdọnde Mbet Esie

7. Jesus ama ọdọn kpukpru mmọ emi etienede Enye utom emi akarade ofuri ekondo, Mark 16:15, 16; Matthew 28:19; John 15:16; 12:48.
8. Mme idiọnọ eyetiene ukwọrọ-ikọ Eti-mbuk, Mark 16:17, 18; Luke 10:17, 19; Utom Mme Apostle 2:4
9. Jesus ama owut mmọ idem nte odu uwem ke usen aba ye ediwak mme idiọnọ, Utom Mme Apostle 1:1-3.

IV Eñwọnọ Ete

10. Jesus ama ọnọ mbet Esie uyo ete ebet tutu enọ mmọ Iberedem, Utom Mme Apostle 1:4, 5; Joel 2:28; Luke 24:49; John 14:16.
11. Mbet ema esuk enyene idorenyin ebaña obio ubọn ererimbot, Utom Mme Apostle 1:6; Isaiah 1:26.
12. Jesus ama etiñ ọnọ mmọ ete ke Ete ama omum ndusuk mme n̄kpọ akama ke odudu idem Esie, Utom Mme Apostle 1:7
13. Edisana Spirit ekenyene ndidoro mmọ, ndien mmọ ekenyene ndidi mme ntiense nnọ Abasi, Utom Mme Apostle 1:8; 2:1-4.

V Edidok Jesus Ke Enyọn̄

14. Ema emen Jesus edok ke Heaven mmọ inyuñ ikwe Enye aba, Utom Mme Apostle 1:9; Luke 24:51.
15. Owo iba emi esinede mfia ọfọn-idem etiñ esọnọ ebaña edifiak ndi Esie, Utom Mme Apostle 1:10, 11; Mark 16:19; Daniel 7:13; Matthew 24:30; 1 N̄wed Thessalonica 4:16; Eriyarare 1:7
16. Mbet ema ewọrọ eka ndikwọrọ ikọ Abasi ke kpukpru ebiet, Qbọn onyuñ ada mme idiọnọ ọsọnọ Ikọ mmọ, Mark 16:20.

SE EKPEPDE EBAÑA

Ke ukpep-n̄kpọ emi, nnyin imokop mbuk ibaña edibuk, ediset, ye edidok Jesus ke enyọn̄. Ke ini ekemumde enyuñ ekpede ikpe Esie, mbet ema esin Enye enyuñ efeñe. Joseph owo Arimathaea, owo inyene, emi n̄ko okonyuñ edide ọnọ item, ama etiene Jesus ndibe-ndibe oto ndik mme Jew. Edi ke ema ekekọn Jesus, nnyin imokut Joseph akade etiene Pilate uko-uko onyuñ ebeñede okpo Jesus. Se ikpetiede nte esin ndik ke esit ndusuk owo, akabade esin uko ke esit mbon efen.

Ekedi ido ke mme usen edem ndidiọn okpo ye ndinem utebe aran mbeñe edibuk. Ke ntak emi ini mikoduhe, koro Sabbath ekesikde ekpere, mmọ ema ebuk Jesus usọp-usọp ndien edorienyin ete iyeyet okpo Esie aran ke Sabbath ama ebe. Ke usen ubok, otu iban emi ekamade ndinem utebe aran ema etọnọ isañ ndiyom ọtọ nte udi odude. Okposuk edi nte Jesus ama ekesitiñ ediwak ini ọnọ mmọ ete ke Imọ iyetọnọ ntak iset, etie nte mmọ ikomumke akpanikọ emi. Ama anam mmọ mkpaidem, ndik, ye mmemidem ke ini mmọ ema ekekut nte ekpatde

itiat efep ndien angel ama etiñ ọ̀nọ̀ mmọ̀ ete “Ekuyak idem akpa mbufo: mbufo eyom Jesus eyen Nazareth, emi ekewotde ke krọ̀s: Enye emeset: Enye iduhe mi: ese ebiet emi ekenimde Enye.”

Udi, ọ̀kọ̀rọ̀ ye itiat emi ekedade eberi usuñ, ikekemeke ndimum Eyen Abasi. Enye ekedi Ediset ye Uwem! Ke ini ama ekekem nte Enye eset, baba ñkpọ̀ ndomo kiet ikakpanke Enye. Mbon ekọ̀n Rome ema eduoño nte mmọ̀ emi ekpañade. Ufik-ñkpọ̀ ukara ikekemeke ndibiọ̀nọ̀ odudu Abasi. Jesus ama ọ̀wọ̀rọ̀ edi, akan mkpa, obio ekpo, ye udi.

Mbon ekọ̀n ema efehe enyoñ obio ke mmọ̀ ema ekeboho mkpeñeyen oto ñkpọ̀ ntibe emi akadade itie, enyuñ eketiñ enọ̀ mme akwa oku se ikotibede. Mmọ̀ oro mikọ̀fiokke Abasi ema eteme mbio ekọ̀n ete esu nsu, enyuñ etie ubiọ̀n ete iyekpeme mmọ̀ edieke edidade ufen ekọ̀n etiene mmọ̀ ke ntak emi mmọ̀ ekedede idap ke ini utom. Ediwak owo ke mme usen oro ema efiok akpanikọ̀ ke abaña ediset Esie, okposuk edi etop nsu mbon ekọ̀n akasuanade.

Ediset Ke Mkpa Edi Akpanikọ̀

Edi akpanikọ̀ emi ọ̀wọ̀rọ̀de ada ke mbuk eset ete ke Jesus ama eset ọ̀wọ̀rọ̀ ke udi. Ediset edi mbuotidem ye idorienyin Nditọ̀ Abasi. Ukworikọ̀ Paul ọ̀kọ̀sọ̀nọ̀ ọ̀wuhọ̀ ke Ediset. Ekedi ke ntak idorienyin ediset mme akpa mkpa ke ekekot Paul ebup ebaña ke iso akwa esop. Ndusuk ema edu ñko ke ufok Abasi ke Corinth emi eketiñde ete ke ediset mme akpa-mkpa iduhe, ndien Paul ama ewet nte ñkpọ̀ editi, ke akpa ñwed Corinth ibuo efut abaña ediset emi edide idori-enyin Nditọ̀ Abasi ke ofuri emana. “Edi edieke eriset mme akpa-mkpa miduhe, ikonyuñ inamke Christ eset naña ... Edi edieke mikanamke Christ eset, mbuotidem mbufo ọ̀wọ̀rọ̀ ikpikpu; mbufo ke esuk edodu ke mme idiok-ñkpọ̀ mbufo” (1 Ñwed Corinth 15:13, 17).

Jesus ama ayarade idem Esie aña-aña owut ndisana ikot Esie ke Enye ama ekeset. Ndusuk ini Enye ayarade idem ọ̀nọ̀ owo kiet ikpọ̀n, ndusuk Enye ayarade idem ọ̀nọ̀ owo iba mme akande oro, ndien ke ini kiet Enye ayarade idem ọ̀nọ̀ mme owo emi ewakde ebe ikie ition emi ekebohode ọ̀tọ̀kiet. Ekedi ke utọ̀ idaha emi ke Enye okosio mmọ̀ ọ̀dọ̀n “Eka ke ofuri ererimbot ekekwoꝛọ̀ Eti-mbuk enọ̀ kpukpru owo. Owo eke onimde ke akpanikọ̀ onyuñ anade uduok-mmọ̀n, eyenyaña enye; edi enye eke etrede ndinim ke akpanikọ̀, ikpe eyebiom enye.” Kpukpru owo, owo inyene, ubuene, enye emi odude ke ñkoñ-ñkoñ idaha, enye emi odude ke usuhode itie, ọ̀fiok ñwed ye enye emi mifiokke, kpukpru mmọ̀ ekenyene ndikop etop Eti-mbuk. Idighe ibat-ibat owo emi Abasi ekemekde ekenyene ndibọ̀ edinyaña ndien esin mmọ̀ eken. Ikot oro, “owo eke amade” ekenyene ndiworo nda, ndien enye emi onimde ke akpanikọ̀ eyenyaña enye. Enye emi etrede ndinim ke akpanikọ̀ ikpe eyebiom enye.

Odudu Utom

Mbemiso Jesus ọ̀kọ̀dọ̀k ke enyoñ, Enye ama etiñ ọ̀nọ̀ mbet Esie ete ebet ke Jerusalem tutu esine mmọ̀ odudu emi otode enyoñ. Edisine oro eyenọ̀ mmọ̀ ukeme ye uko eke odotde ke utom mmọ̀ ye odudu emi akande kpukpru odudu asua mmọ̀. Emi eyesoño akpanikọ̀ oro nte ke mme idiño eyetiene mme ukwoꝛikọ̀ mmọ̀. Mmọ̀ ekenyene ndisem mbufa usem, emi mmọ̀ ekesemde ke ini ekenimde mmọ̀ uduok-mmọ̀n ke Edisana Spirit ke usen Pentecost. Jesus ọ̀kọ̀dọ̀họ̀ ete: “Eyemen uruk-ikot ke ubok; onyuñ edieke mmọ̀ eñwoñde ñkpọ̀ ekededi eke abiatde uwem ididiokke ye mmọ̀.” Iduhe ini nte ọ̀boñ eketiñde ọ̀nọ̀ mmọ̀ ete eda emi enam mmenere idem mme ndinam ñwut odudu idem mmọ̀. Ekenam emi enọ̀ mmọ̀ ndida mmenede uboñ Abasi nnyuñ ndiño ubon owo. Mmọ̀ ikenyeneke ndisin mbom Abasi ke ndek ke ndikokoi mmen urukikot ke ubok, ndinam ñwut odudu mmọ̀ ke Abasi, nte ndusuk esuk enamde mfin. Se Abasi etiñde abaña edi iñwañ-iñwañ ke ikọ̀ Abasi. Ke ama ekekpere utit uwem Paul, enye ama atañ ifia ndida mbara ikañ, ndien uruk ikot ama odom enye ke ubok. Mme idiok owo emi ekedude ke isuo oro ema ekut emi, enyuñ ekere ndikut nte Paul ọ̀duode akpa. Mmọ̀ ema efiok se edidom emi idiok unam emi odomde ọ̀wọ̀rọ̀de. Edi ke ini Paul ama ekesihere urukikot emi esin ke ikañ inyuñ inyeneke unan ito enye, emi ama ayarade owut mmọ̀ odudu emi odude ke Eti-mbuk (Utom Mme Apostle 28:1-6). Abasi iyekpeme eke Esie osio ke mme urukikot ye ibok mkpa edieke nnyin idisobode ye oruk emi ke unana idorienyin, edi nnyin inaha nte inam iwut inyuñ iñwana ndinam inua mmenere ñwut ererimbot ke uboñ idem nnyin, nte ke nnyin imenyene oruk odudu oro.

Edidok Jesus Ke Enyoñ

Ke usen aba ke ini Enye ama ekeset, Jesus ama ayarade idem owut mbet Esie, ndusuk ini ke ufok emi eberide usuñ, ndusuk ini aña-aña ke mben inyañ. Sia Enye okodude ke ikpọ̀kidem uboñ, Enye ama ekeme ndiworo ñwut idem ke otu mmọ̀ ke eriyip enyin, onyuñ ekeme ndisop idaha kiet ke enyin mmọ̀. Ikọ̀ etiñ ọ̀nọ̀ nnyin ete ke ediwak ñkpọ̀ eyarade ewut ete ke Enye ama owut Idemesie ye uwem ke ini ukut Esie ama ekebe.

Enye ama ekpep mbet Esie ediwak n̄kpọ emi abañade Obio Ubọn Abasi. Etie nte n̄kpọ emi okotim añwaña mmọ ke ini eriset Esie ama ekebe, koro iso mmọ, ema etim emenere ewut ediwak mme ukpep-n̄kpọ emi Jesus ekebemde iso ekpep.

Usen kiet, nte mmọ ebode ke Jerusalem, Enye ama ada mmọ ọwọrọ aka Bethany ke obot Olivet. Ke ebiet oro, Enye ama ọnọ mmọ akpatre item Esie. Ọkọdọhọ mmọ “ekukpọn Jerusalem, edi etie ebet se Ete ọkọn̄wọn̄de ndinọ; emi mbufọ ekekopde ke inua Mi.” ndien Enye emenere ubọk Esie ese Heaven onyũn ọnọ mmọ edidiọn̄ Esie nte Enye ọkpọn̄de mmọ. Nte Enye okosuk ọdiọn̄de mmọ, ema edianare Enye ekpọn̄ mmọ, enyũn emen Enye edọk ke Heaven. Ye enyin mmọ, mmọ esọn̄ọ ese tutu ikpa enyọn̄ ofuk Enye. Nte mmọ esede Ikpa-enyọn̄ angel iba emi ekedade ekpere edọhọ ete “Mbufọ mbon Galilee, nsinam mbufọ edade ese ikpa-enyọn̄? Jesus emi, emi emende Enye ekpọn̄ mbufọ eduk ke Heaven, eyedi kpa ke ido emi mbufọ ekutde Enye ọnyọn̄de oduk ke Heaven.” Mmọ ema efiak enyọn̄ ke Jerusalem ye akwa idara. Mmọ enyene didie ukpuhọre ke idem mmọ idaha emi akan nte mmọ ekenyenede ke okoneyo emi ekebukde Jesus ke obufa udi Joseph!

Eridi Jesus

Enye ke afiak edi! Mme ikọ oro edemere ndisana ikọt Abasi ke Ofuri emana. Nnyin imonim eridi Esie ke ekpere. Emi edi ọyọhọ idorienyin Ufọk Abasi, ndien nnyin ke ikaka iso ikpañ utọn̄ ibet uyo ukorowo ye uyom archangel.

Nso utọ esen usuñ ke Abasi emek ọnọ edima Eyen Esie mi ke ererimbot! Amana ke usuhọre itie, akpa mkpa esuene, edi eset ke ubọn̄! Mme n̄kpọ ntibe unana idorienyin ama ada itie ke ata esisit ini. Ema etap Eyen Abasi, ekọn̄ Enye ke krọs, ema enim Enye ke udi, ndien n̄ko, ke usenubọk ke ọyọhọ usen ita, Enye ama eset! Isoñ ama enyek, mme itiat esiaha, mme udi ekubọre, ndien mme angel ema esuhọre edi edikpat itiat efep! Christ, Eyen Abasi ama ayak uwem Esie onim man otodo Enye edikeme ndifiak nda enye nnyene.

Ke ini Enye ama ekeset, Enye ekebem iso ayarade Idemesie ọnọ n̄wan. N̄wan ekedi akpa owo emi ekeduede ibet, edi n̄wan ekedi n̄ko akpa ke itie udi ye akpa ke ndikut Andinyaña emi ekesetde. N̄wan ekedi akpa owo emi ekeyakde akpa etop Eti-mbuk esin ke ubọk: “Ka... tiñ nọ.” N̄wan ama efehe aka ndisuan mme mbuk idaresit nte ke Jesus Eyen Abasi ama obuñ odudu mkpa ndien idaha emi ama odu uwem onyũn odu uwem ke nsinsi nsinsi!

Koro Enye odude uwem, nnyin n̄ko iyedu uwem. Ubọn̄ ubọn̄ Eti-mbuk! Anie ekeme ndisin enye? Enye akakpa ke ntak mme idiok-n̄kpọ nnyin; Enye ama eset ke ntak utebe-ikpe nnyin. Enye ama ọdọk ke Enyọn̄; Enye ke afiak edi. Paul ama abat kpukpru n̄kpọ ke ntak-urua man enye ekpekeme ndinyene Christ nyũn mfiok Enye ye odudu eriset Esie. Nte nnyin imabat kpukpru n̄kpọ ke ntak-urua man otodo nnyin ikpekeme ndibuana ke Ntañ-ndọk? Nte nnyin ke in̄wana ọkpọsọn̄ ndidu ke mbeñidem ke ini Jesus edidide? Ọfọfọn̄ ọnọ owo emi enyenede udeme ke akpa eriset” (Eriyarare 20: 6).

MME MBUME

1. Anie okobuk Christ ke obufa udi esie?
2. Anie ke Christ akayarade idem Esie ọnọ ke akpa ifet ke Enye ama ekeset?
3. Anie akakpat itiat efep ke inua udi?
4. Nso utom ke Christ ọkọdọn̄ mbet Esie?
5. Anie ke edinyaña? Anie ke ikpe edibiom?
6. Siak ini kiet ekeledi emi ekekutde Christ ke eriset esie ke mkpa ama ekebe.
7. Enye okoto ke ewe ebiet ọdọk oduk ke Heaven?
8. Nso etop ke mme angel ekenọ ke ini Jesus ama ọkọdọk ke enyọn̄?
9. Nte n̄kpọ emi akada idara mme mfuhọ esin ke esit mbet Esie?
10. Nso ikedi akpatre ewuhọ emi Jesus ọkọn̄de mbet Esie?